



Jumat, 18 Februari 2022
Ogen : Kuan-Kuanen 11:19-21



"Terkelin Kalak Bujur"



Kerina kalak pasti nggit jadi kalak bujur. Tapi labo kerina kalak ngasup ndalani kinibujuren bas dampar kegeluhenna. Kitab Kuan-Kuanen enda mereken sada pengajuk man banta kerina segelah kita tutus ndahiken dahin simehuli. Selaku tinepa sientudu ras tempasna tentu harusna lit bas kita biak-biak singena ate Dibata. Sebab nina Dibata, kalak si tutus ndahiken si mehuli nggeluh me ia, tapi kalak sierban jahat mate ntah bene me ia. Kita arah siapai nge ndia enda? Renungenta wari enda ngajari kita jadi kalak bujur. Susah? Susah adi la sipindo penampat Dibata, ngasup? Pasti adi nggeluh rembak ras Dibata. Me nggit kam jadi kalak bujur? Me nggit kam ipake Dibata guna ndalanken kinibujuren? Me tetap kam tek kalak si bujur e terkelin? Mari sipraktekken enda bas kegeluhenta tep-tep wari. Adi sidalanken, pasti lit perubahen geluhta, pasti lit tekad ras komitmenta guna ndalanken si ngena ate Dibata. Mbue kalak nggit jadi kalak bujur tapi carana salah, lit ka deba nggit jadi kalak bujur guna iakap mehaga, lit ka deba jadi kalak bujur guna ndaken posisi ntah jabaten atau jadi kalak bujur guna ndatken pujin.

Arah perenungenta wari enda, mari sinin banta enggo nge sidalanken kinibujuren bas geluhta? Ntah kita tetap nggeluh melket i adep-adepen Dibata. Adi lit usahata guna mpelimbarui geluhta, lit usahata guna nggeluh bujur iadep-adepen Dibata. Tantangan pasti lit, sirate nembeh pasti melala, mesui kel i bas ndalanken tugas enda tapi teklah kalak si ersura-sura ndalanken perbahanen si mehuli pasti tetap itegu-tegu Dibata. Adi kurang gegehta, sipindo man baNa, adi kote kita mis sidahi Dibatata. Seh maka kerina usahata ndalanken kinibujuren e mabai pasu-pasu simbelin ras pasti ipengasupNa. Mari silakoken bagi syair lagu "bujur saja ukurindu dat me sangap".